

四庫全書

集部

欽定四庫全書

御製詩三集卷三十四

古今體一百二十四首

癸未八

八月朔日作

豈有秋朝仍喜雨更兼雨足此欣晴
晚田果見蘇生意
老圃亦應酬望情
晨霧猶然戀濕潤
午曦遂大放光晶
節臨仲月占時若
佇待穰穰萬寶成

再題玉岑精舍

構舍初看斷手成
玉岑近對聳崢嶸
林間蒼鹿鳴不已
想是無端認客生

靜賞室

愛向山深處構居
山深處趣試言諸
雲容峯態靜無比
月夕花朝賞有餘
坐席尋常都集妙
啓窓端是為延虛
將迎内外胥教泯
語著程家定性書

松壑間樓

山陰多古松巖壑
亦復杳就迴宜為
樓兩間已不小側

耳聽清泠謀目延窈窕惟覺道心生那有塵懷擾得句
應脫凡為去聲在青雲表

積翠亭

四鄰峯勢特欽寄疊以林光渲染之祇著一亭翠微處
為他領要已無遺

奇石蜜食

回語綠蒲萄之名也凡蒲萄皆有子此獨無子截
條植地而生回中古亦無此種云數百年前自布

哈爾始得之布哈爾去葉爾羌西又數千里前年
命取根移植禁苑今成活結實詩以紀事

服食明垂貢旅葵苑中初熟綠蒲萄昔同目宿原有子

中國蒲萄相傳種來自西域然皆有子者

此便離支寧比高

魏文帝詔南方龍眼荔枝寧比

西國蒲萄石蜜石蜜之音頗近回語豈當時亦曾見此耶

廣志徒傳三種色

廣志云蒲萄有

黃白黑三種

燕歌休詡一杯豪奇石

讀作平聲

蜜食賓方物慎德

那辭乾惕勞

枝葉蟬封獻者同碧琉璃顆獨中空采條移植上林茂

結實頒餐造物功
欲笑醺醺歌太白
直疑崖蜜詠坡翁
本來無子根何託
雞卵誰先辨豈窮

紅葉三首

連林生翠色猶濃
幾點新紅薦地逢
打疊懋勤筆硯匣
秋容衮衮到諸峯

火昉巖霜不礙風
葉紅端的勝花紅
春園欲笑桃還杏
秋嘯請看栢與楓

星星纔見渲枝梢
爛爛行看變碧嶠
自是金秋稱素節

應教繪事出羣超

聞京師得雨誌喜

今歲夏秋際雨率西南來而恒大於北郵音每悉佳孟

月此覺旱京縣遥繫懷旋報審無妨

七月望後以京城是否需雨詢問留

京王大臣等據奏京師於七月初九日得雨後田禾豐茂若月盡月初再降透雨晚禾更有裨益茲據奏七月廿九日自辰至酉得雨優渥 憧憧猶往迴月杪此被渥南望雲濃哉

無何驛章至果復優霑皆早種獲已畢晚田膏益培一

喜釋兩憂雙眉為民開

天恩不易承敬勤志敢乖

尋鹿

麋毛毳且斑秋氣爽孱顏挾矢堪尋麋乘櫟聊趁閒虞
无還獲鹿朋得並逢山寧為肥鮮計心存溫故間

新月

逐月有新月中秋更不同望如聞桂馥喜每對山空輪
是向圓好光惟依塞融夕寒舟罷泛簷倚趣無窮

午熱三首

塞中異風景寒暄渾不常前朝峭涼迫今日午熱償設
一徃弗迴晚田那能當不齊乃大齊造物功無央

著棉重更脫箴扇還復持以云就涼爽此間多所宜溽
暑且易避秋熱能幾時茲意向誰言唧唧階蟲知

倏忽西峯下落陰比夏早夕靄一川寒又覺棉衣好尋
鹿弗可遲屨步入山竊行飯且搜吟所得亦不少

即景

景較新秋又不同峯容溪態繪尤工荷猶微露微饒白

楓未經霜自鮮紅無礙搜奇披谷靄有時延爽愛巖風
崇椒尋鹿歸來晚淦淦欣看月照空

題燕文貴秋山蕭寺圖

水秀山清處精藍據迴峻雲鋪一川白楓纈幾林紅即
此捉捉色那非了了空上人不出戶歸鶴識支公

鏡喻

青銅摩以旃照形已無遺近代泰西法玻瓈更新奇然
均藉人工水銀塗抹資其未塗水銀素片玻瓈輝可以

施窓櫺外物瞭然窺山亭偶用此徒緣觀峯姿孰知別
有得新趣請言之亭暗而外朗承以西峯暉通徹玻瓈
窓西峯觸影披不鏡而獲鑑實匪伊所思迴廊數上人聲
行喬樹瞰鳥飛曰幻幻既否曰真真又非宮疑廣寒懸
城似乾闥魏炙轂莫能辨椎輪誰所為宇宙此有素造
物誠無私

賦得明月松間照

朗徹三千界弗承照者誰如何右丞句獨謂老松宜秉

是孤高性撐為滿落枝流光寒不濕寫影正蕪奇鑑似
軒皇鑄濤如仙樂吹童童迎迥矗皎皎傍疎移岱嶽姓
名著廣寒宮殿披猶疑峙丹桂吳質那能斯

再題含青齋

孟秋荏苒仲秋臨一瞬堪因視古今延步不妨乘候爽
到齋偏喜對山深蝶如戀影長依卉鹿已聞聲尚隱林
恰見遥峯紅幾點翻興聾爾許惜青心

挹秀書屋

曲轉迴廊窈窕通
蜃窓綈几俯秋空
清風明月取無盡
山峙川流用不窮
石越瘦如道士醉
松惟孤見丈夫雄
玉壺水弗纖塵著
豈計尋常拍顧中

碧靜堂

佳處山情似水情
潤含紋疊蒼簷楹
恰如范氏岳陽記
一碧真看萬頃呈

淨練溪樓

陡澗實非溪
值雨有溪時
跨澗屋非樓
號樓頗覺宜
一

切名象誰所為人云亦云豈可辭欲藉想像之練影淨
洗擬議之慮思仿佛溪樓首肯曰得之

靜賞室口號

山深不期靜自靜室樸曰惟宜實宜却笑如斯延賞處
偶來亟去信何為

桂

好花不讓節滿樹粟霏黃標出正中色散為真靜香種
聲^上來應月窟根徙自江鄉塞苑揚猗處寧知道路長

雨

八月十四日

雨過將半月又覺雨為宜昨已霏輕點今仍繼密絲遠
山煙欲暗晚圃露含滋入夕雲容散銀蟾樹杪披

題王蒙天香深處圖

葉自青青花自黃披圖千載簇天香傳神不朽宜斯在

未必周家永占堂

見卷中張翥天香深處堂記

霧

秋宵剛過雨曉霧必為晴冒矣千山暗小哉五里行拂

林紛玉滴踏草亂珠擎亦自為霑潤崧畦正向榮

中秋夕作

霧收雲尚在傍晚散魚鱗恰自錘峯上常諧勝地因

通年

中秋夕對月常於雲山勝地樓下

歌聽

平聲

廣寒迴節度塞山頻明月居

然好寧無望思

去聲人

直隸總督方觀承奏報直屬秋田九分收成詩以誌事

直屬游被勞民艱心以憂賑貸不遺力凡為

去聲

鰥寡謀

疏水悔後時京南遲來年高處率已種夏初旱復愁幸
即霑渥澤青黃藉稍賙所望者大田宵旰勞勤求較量
雨與晴自夏今徂秋微曠旋沛膏而不致潦流所以高
下田秀實均穰稠胡乃蝗更行率因涸壤留督捕勅大
吏重臣紛馳郵掩坑及秉火竭力無敢偷竟得人力勝
未致傷田疇或稱抱藁斃或稱向海投已慙貞觀格何
用元和謳仲秋西成定報云九分收嗟我災餘民元氣
略復不疑信尚各半行將驗蹕騶

皇天真仁愛旋轉誠有由亦弗能再當即今形多鳩言
事不言慰用誌吾懷羞

聽瀑亭子作

瀑自有源惟地靈溪原無定藉人營剔除泥滓疏新水
始得泉聲副

昔名遠近泉聲為山莊三十六景之一聽瀑亭子在其
側皆皇祖御題也瀑固如常溪則年久沙淤

茲因疏剔始
得復舊觀云

溪分高下作聲繁瀑落雲中峽底翻一例空去聲人凡耳

目那更

平聲

伯仲藉量論

湧玉亭

湧玉原云待雨看今朝雨裏適憑欄絲前金後尋聲色
祇在擬擬落激湍

玉岑精舍

構屋對峻嶒雲煙朝暮興碧磤綠雨過紅葉視前增心
賞益無厭目遊可當登生輝映襟袖始悟蘊來能

小滄浪室

梯巖百步廊幽室跨澗作恰來秋雨後試看滄浪那亦
自有波瀾何從覓塵汙水匱以為譬玉峯以為邏明漪
漾鬚眉淨練涵几座屬意在水清寧須論小大

碧靜堂

樹色碧無礙山光靜有餘明將啓蹕去且復凭窓虛塵
意何曾到道心可驗諸便因思舜命耽逸豈因子

松壑間樓

大壑之間有古松樓因松亦古情濃登樓祇聽濤聲謖

不似通明許客逢

山莊晚景

山莊晚景越清嘉
秋猶明當簇翠華
居兩月餘纔一瞬
閱真山那異空
花魚貪新水
浮行上鹿趁夕陽
倚落斜日涉所成趣
不淺黃綾詩本付生涯

熱河啓蹕幸木蘭作

秋蒐雖例事啓蹕又從新
桂節纔方過鸞旗此重陳
去聲鹿音遥接待馬意近精神
且復覘心顧村村納稼巡

村行三首

崇墉已積圃場邊刈未完猶棲坂田始覺秋成語近信
昨直督奏秋田九分收成賦詩誌事有云疑信尚各為
半行將驗蹕騶令築場納稼宛在目前始釋然無疑

民額手慶欣然

柴堵墻頂緣防虎草蔚山腰好牧牛火種刀耕勤墾闢
丈量何用事深求

賦租納少收常富無怪村民歲歲添烏魯木齊聞略似

西陲平定後墾地通商又值年歲屢豐近日烏魯木
齊等城及村墟聚落人煙輻湊儼同內地城市矣一

家中外正何嫌

入崖口

崖口隔年入獵場間

去聲

歲移依然九曲瀉

崖口蒙古名伊遜伊遜者

九數也是水凡九曲而出崖口故有是名

越好萬峯披小試平原騎

每入崖口就平

川試行小圓國語謂之阿達密

無殊大獮規行營遙在望蔽野列旌旗

御行營

武帳詰戎師朝家典制垂方圓天地撰

凡行營外圍以列帳兩層其象

圓內設以黃布慢城其象方

高廣棟梁規風雨以時蔽今明逐日移

紙窓舒卷榻復此待吟詩

霜

山莊露為白紅葉纔數點蘭中青女行連林霞色染衣
纈水精鹽莎鋪白紵毯都無十日程寒暄變荏苒以此
例極北寧渠恒秋斂代謝運周天化工宏覆奄東嶺上
金烏珠光融閃閃

蒙古王公等進宴即席得句

大野涼秋曉日晶筵張黃幕傍行營千羣馬集英姿試

九白駝牽吉兆呈例事詎惟遵典屬歡言恒是鑒抒誠
漢唐此地寧有此益凜水淵戒滿盈

詠駝

駝有懶乳者忽復厭其駒踉蹌不肯哺弱難飼以芻稭
猝待凍斃行將棄諸塗惟彼特墨赤

蒙古謂駝為特墨赤特墨赤牧駝者也

識性計有餘胡笳奏其旁哀腔嗚嗚感駝心生憐乳
駒乃如初藁鹽旋長成致遠收良圖口詢非耳聞此事
信匪誣嗚呼駝獨非獸乎凱風之母獸不如

九月朔日停蹕作

季秋月朔辰弗集停蹕傳休獵騎羣敢曰詰戎毋此礙
亦云修德有前聞未瞻虧缺峯巒蔽旋復光明宇宙欣
那藉求言頒漢詔應

天惟實不惟文

於木蘭即事襍詠

獵所

天開玉塞垠年年秋令一來巡若論七十里文圍十倍

過之不礙民

奮武柔遐

祖意深習勞率衆勵予心邇來頗益新歸附執役輪年

厠羽林

迷離莎阪曉霜輕寥廓秋空每放晴宜獵固然且宜詠
好山處處有逢迎

疊林極目渥如丹初試毳衣迫曉寒詎是靈臺舛節候
却緣一嶺過興安

白露為霜鹿有聲
哨來叉角面前呈
鮮肥恰供

慈寧膳勝百園中
射獲情

秋空大野夕風吹
月色如霜萬帳披
牧馬歇駝聲盡好
少卿當日厭聞時

文臣日日候和門
分鹿均教以次論
曰勢曰時可無此
想非徒作面後言

點筆惟言意遇欣
雕蟲那復用心勤
便教獺祭窮工力
寧出相如賦所云

出哨口見村居秋成頗佳詩以誌事

東進由西出輪年景頓殊柳條橫野限

結柳條以爲邊限木蘭及威

京園場皆有之

楓色隔峯無火種山皆濯霜收圃不孤行行接

民舍歷歷驗農劬虎落一家聚魚鱗薄賦輸幸逢今歲
耳敢忘去年乎縱見高困慰還懷漏釜吁何非屋民莫
豈曰事遊娛

賜蒙古王公等宴並頒賞執役者

獵期不欲久半月適應還程喜行宮近筵開駐蹕閒笙

簪洽有秩幣帛與均頒詎止循常例懷柔切此間

重陽日作是日雨

舊記登臨日常於獮狩時今年期過矣佳節路逢之黃
葉可當平聲菊紫萸慢繫絲微風兼細雨正合詠潘詩

木蘭迴蹕至避暑山莊

仲秋啓蹕返深秋紫翠林光頓改眸隔嶂鹿鳴全似喚
上窓駒影信如流引成渠水聲添冷吐得巖嵐幻益浮
到此精微契神處可能五日不為平聲留

西峪

西峪秋深清且嘉
林疎牆外見人家
授衣時節宵鳴杵
撾穗圓場午響枷
終歲勤勞亦亟矣
九重安逸豈宜耶
今朝所得殊前度
不為去聲搜吟玩物華

挹秀書屋

近山構書屋
山景屋中收
挹秀有如是
於佳不厭求
楓疎紅益染
松古綠還留
亦欲無言去
其如詩思投

即事

林扉今日為誰開
落葉翻風不離聲去
芟坐近暖曦常忘
去行披涼靄若迎來
泉惟巖半清音別
山是秋深道氣
該對牡蠣窓多襟
樹終當覓幾嫩松
栽

陳琳踈枝雙雀

霜輕葉未殘
對語雀聲歡
聊托一枝穩
何須歎紇干
入古北口見閭閻秋成有象詩以誌慰

雄關詎止此
提封壁壘猶看架
嶺重四閱月惟消一瞬
幾章詩耳付千峯
魚鱗塋幸秋成好
馬首路欣暖景逢

游饒閭閻藉稍濟敢言元氣復吾農

迴蹕至御園即事書懷

霜葉沿途看到來周旋久喜御園隈滿湖芳錦偷人歇
亞砌寒鷗餞節開容膝新居不啻矣繾懷往事底為哉
塞巡迴懼踈幾務勤政

殿名

明朝引見催

題四宜書屋

舊屋重修葺無多點綴為松窓就老幹菊砌繞新甍霜
落澄池底林疎露巖姿如詢即景句端是與秋宜

涵秋堂六韻

水堂向擇西西嶺入簷低金顥辨方叶玉衡協紀齊蘭
風蛩響切桂月魄輝靈鏡影開空廓練光披配藜斂雲
出河漢敲日作玻瓈底事消清暇幽風一卷攜

唐寅秋華奇石

一卷焦墨石數朶傲霜花恰似青蓮李短章亦大家
還宮攬西直門外村落秋成有象詩以誌慰

仲夏啓駕際甫報二麥收深秋今迴鑾幸攬萬寶稠值

茲誠不易較量憶盱眙叶我躬雖塞外我心懸帝州詎
惟懸帝州祈年徧遐陬曰斯游潦餘較他實倍憂

天地德好生旋轉非人謀晴雨錫以時久聞茂如油納
稼親見之方稍紓憊憊高囷出墻角踴價減街頭吾民
其略蘇得此吾何修

御門日書懷

何嘗不日對公卿曰此明廷舊典行涉故事斯懼其怠
雖微務必盡吾誠亦惟晰理為非是敢或從情作重輕

禮以齊之德以道惡哉久矣竟奚成

王蒙香林書屋圖

茅堂靜坐置編芸
颯沓庭前落葉紛
箇裏非聲亦非色
祇餘天籟隔溪聞

孟冬時享

太廟

重檐曙色披九蓋
瑞煙凝

六世非遙脈一心
邈

上思禮儀惟覺速廢徹那言遲積月年將轉追懷無盡期

詣

暢春園問

皇太后安

皇州冬尚暖仙苑景如春

溫清斯欣適

起居此敬詢率因成例事

通年以皇太后喜居暢春園故自木蘭迴蹕雖因冬

令時 享還宮 每間數日輒命駕問
安冬至前始奉 皇太后還宮率成例事 已覺濶多

辰養

志吾心切那論來往頻

初冬御園即景

問

安之便御園臨寒景清光雅可尋
葉落陽林猶帶綠花開霜圃總標金
漏聽高閣催遒箭帖撫明窓玩古針
翼日香山傳小駐早飛逸興到雲岑

無邊風月之閣

閣高目遠山來席葉落林疎水徹天風月何曾逐時異
恰宜即景玩無邊

李成小寒林圖

颯沓疎林平遠山寒暉照映鬢眉間寥天釀雪風雲作
客路侵冬車馬間宋畫猶存唐代法小題從識大家顏
憶曾古北塗中值阿那松邊得句還

初冬駐蹕香山即事書懷

小陽未覺劇寒侵暢好名山試偶尋始悟遙遙惟騁目
不如信信乃娛心泉含霜韻益清切峯較秋姿更靜深
一歲幾來來幾宿笑予構築失前斟

棲雲樓

言造耆闍域步遵香巖道詎緣悟四禪聊欲瞻三寶靜
室別一區高樓出林表結念霄漢間遊目岱池杪幾縷
棲輕雲為雪正復好

來青軒口號

來去去來同與殊不生分別此軒乎巖間更有蒼松在
莫謂濃青一點無

歡喜園

祇宮傍有園即境名歡喜不惟適淨樂峯姿實清美蟾

蜍

峯名

望舉頭剛斧何須爾設以擬嵩高企之月光子

命駕每在冬明窓坐輒久以言歡喜緣今來意頗有閭
閻足蓋藏宿麥復芄畝然寧忘去歲去歲艱餬口

戲詠洋菊

山中偏有傲霜枝松石之間著淨粧宜與紫桑為契友
蜃窓綈几豈其宜

嵇含名色未曾知椀大花頭重欲垂絞縛藉他紅竹柱
笑如陶令折腰時

超然堂

為高因迴意超然萬狀千奇繪眼前普覺寺峯近標秀
昆明池水遠澄鮮寒林不礙張錦繡山鳥猶聽奏管絃
詎止可觀有可樂膠西將擬傲坡仙

朝陽洞

於冬不厭暖愛此號朝陽
盾袞曾有喻為政貴知方

靜室

雖是崇山上園中不築垣
高居因見遠貞復會旋元
出玩雲生岫歸看葉落根
既云來靜室何乃未忘言

碧雲寺

隔嶺有祇園每來叩法門
泉仍千載韻柏以萬年論
古月常印水微風不動幡
俗僧去已盡本色碧雲存

洗心亭

青蓮宇側畔跨池有亭子池水近泉源
苓香浸石髓四季花尚開千竿竹猶美
倒影淨接空含虛澄到底誰云此洗心
見此心先洗

試泉悅性山房

山房石泉上便可試山泉那待松枝拾
早呈犀液煎笑他工伺候知我豈神仙
辟句從頭讀依遲又一年

新月

冬月冬山又一時玉鈎松際恰逢之徘徊不肯棲西嶺
似向高齋特釣詩

曉

冬夜雖正長山高易為曉遠寺發曙鐘隔嶂聲猶杳披
衣勅萬幾敢以遊懷擾聖狂豈絕殊惟念罔克肇申命
一二臣慎稱政務少

玉華寺臯塗精舍作

勤政香山殿名聽事罷冬山猶可登仍此駐一日吾寧佳興

乘小陽律尚暖膚寸雲復昇肩輿行數聲息乃得造峻
增玉華古名寺大士無廢興其傍有精舍皐塗吾所稱
一以休衆勞一以暢遠憑摘句亦偶然詎炫拙速能

對瀑

本是香山橋底水引來曲注落雲端為齋巖下開窓對
便訝康王谷口看

琢情之閣

小閣山心復水涯沖容真足謚神思其章便擬云追琢

祇是於中至靜時

細雨

十月初六日

同雲將謂輕飛雪却為冬暄細雨零可識吾心有喜處
山田昨見麥苗青

放鶴疊去歲避暑山莊放鶴亭韻

山園有籠鶴山莊試衡校桎梏與之食諒非心所好傍
巖偶過之彈舌聲聲叫其情似相訴云彼則何樂叶是
宜一例看概放恣蕩掉蕩掉詎遠去山莊有明效

山莊放鶴

仍在山莊中今
歲見之屢有詩

遂爾食瓊志泯我銜珠報出籠暢嘹唳

已非適纔調猶水之就下言性孟羸告虞人慢愁羅林
承免賦稻藉曰慮其饑何如養其操

題涵碧齋

山中艱得水得水即稱佳況此居然沼因之構以齋波
瀾不生意清泚鎮澄懷餘澤石溝出猶聽琴律諧

曠覽臺

崇臺纔據山之半已覺穹窿薄霄漢弗施窓櫺圖縱觀

聲平近則昆湖遠赤縣曰耕曰織曰閭閻何一非吾政所
覘所期五風兼十雨尤厯大法與小廉古人曠覽鴻文
作而我登斯惟慙若不如明日即言旋且慙先憂置後
樂

懷風樓

山環處不受風吹亦有迴風緩薄之斟酌濃纖斯盡善
小樓合是善言詩

齋中宴坐戲成

看山似馳驛

憶登樓霞一日而畢其景尹繼善竊識以為如此遊山直是馳驛朕以為其言實當

茲偶駐香山亦信宿言旋故戲及之

信宿策歸驄了識非遊客明仍返法

宮往來初不覺朝暮迅其中冬暖霏酥雨稍欣滋麥芄

綠帷舫

不受波瀾具舫意一般煙雨泛湖心載將書畫宜何往
祇在瀟湘深處尋

得趣書屋

佳趣亦何窮要於能得中大公惟順應明月共清風享

既非已獨樂還與物同魯論讀有愧夏禹昔卑宮

題文從簡初冬燕居圖一韻二首

燕處深堂罷遠遊園林想像足清謀

樂括圖中題語

氣澄別浦

收雲腳葉落空庭見樹頭

似憶青田自在遊遭斯祇以稻粱謀不存所樂求因已

那更籠中強出頭

圖中畫一籠鶴延頸外出故戲及之

翦燭吟

日落西南天晝短易為夜深堂燦書檠秉遊寒以罷漏

長過燭心餘
蜚光欲謝翦
去藉并刀重
輝騰亦乍吁
嗟
蘭地消蘭膏
膏盡爾地焉
託牢世間萬
理可因悟那
有閒情縫蓮
炷

晚陰

入冬初未雪
望為去聲晚陰加也
識時堪待常
云早益嘉
頻詢曾舞蝶
稍喜息鳴鴉
宮庭晚晚常過鴉陣欲
雪輒不鳴試之屢驗
迢遞

聞宮漏清吟翦燭花

李成寒林平野圖

枯柯錯出老松枝漠漠寒臯欲雪時
憶向龍泉經一再臺懷此景每逢之

微雪

十一月
初九日

昨日同雲徹日陰望霰急景越易度
半夜忽報飛細霰枕上無眠倏達曙
庭中所積不及寸已覺駕瓦冰光助
京兆騰章占麥祥笑謂斯言何太遽
春前臘後縱可待盈尺為膏不妨預
卓午金烏旋放晴王帖懶披結餘慕

詣

暢春園問

安因至御園駐蹕即景成什

仙苑

大安停隔旬必一經撫時逮長至旋

駕奉

慈寧

將以十二日恭奉
皇太后還宮

小駐蘭軒暖靜聞梅益馨西山

微積素展得玉為屏

清暉閣口號

清暉依舊好清暉懶向新豐辨是非成住壞空齊掃却
早梅晚菊共芳菲

西山入畫

雪後生寒峭今朝懶出遊暖軒延靜託虛牖縱遙眸恰
彼西山對雅予東壁投林疎愈致遠景颯不藏幽霽色
陽崖晃水光陰巖留若論懸畫幘知白蹟稱尤

石渠寶笈中有

曹知白羣峯雪霽圖向曾題句

斷橋殘雪

在昔橋頭密雪鋪舉頭見額憶西湖春巡幾度曾來往
乃識西湖此不殊

無邊風月之閣三章章五句效杜甫體並以題中
字為韻

大塊噫氣名為風振拂草綠與花紅吾則何敢披稱雄
有時望雲懼吹去佇立亦厭飄蓬蓬

四時皆宜惟有月滌蕩精神瑩肌骨近水樓臺益清越
箕疇設以卿士占萬目渴賢念無竭

耳得目遇真無邊清風明月太古年細故記憶非高賢
杜陵竭爾效其體吟弄於我何有焉

盎春書屋

千林葉落盡歸根書屋明窓日影溫幾朵盆梅初吐萼
盎春消息箇中存

曾知白曙雪圖

雪止餘寒曉尚凝玉壺天地一條冰誰人不作騎驢客
幾箇於中得句曾

冬至

南郊禮成述事

上帝維尊

列祖親歲功省際縷披陳倉箱幸濟連年歉旋轉真叨
大造仁一氣貞元資有始初陽闔復徧無垠所希奕葉
承

崇祀永沐

天庥勵敬寅

河南山東胥報得雪

畿輔昨曾雪所惜止寸餘繼茲盈尺佳吾心常企諸齊
豫騰奏章報雪一時俱雖亦未優霑度寸三已逾慰遠
益切近敢云可待乎摛辭興弗軒軒待六花敷

雪

臘月初七日

徹夜雲同色侵晨雪舞翩敢輕言慰矣惟益冀霑焉竟
至達申後猶欣值臘前

明日為臘八日

心田滋渴望可以命吟

篇

臘日悅心殿侍

皇太后膳即景得句

年年

慈豫奉嘉平更喜瓊華

名島

雪始晴千里麥欣壅秋本幾

峯樹訝發春榮綵屏節事

遐齡祝鏡浦冰嬉例賞行


每歲冬月陳冰嬉既因使習衆藝亦欲藉以行賞也

此

日悅心真是悅然吾豈敢忘聲持盈

除夕

旅旅并星去磴磴木德來今年慰省歲臘雪勝於梅戶
換宜春帖座傳延喜杯璫璣幹衡軸不息萬環迴



御製詩三集卷三十四

欽定四庫全書

集部

御製詩三集卷三十五
六

詳校官侍郎臣謝墉

助教臣常循覆勘

總校官原任中允臣王燕緒

校對官學正臣卜維吉

謄錄監生臣魏淳耀

欽定四庫全書

御製詩三集卷三十五

古今體一百首

甲申一

甲申元旦

歲首從新紀
部章申申舒
氣輳青陽
欽哉德始
乘春令
奉以仁行
與物昌一
意勤民宵
復旰四時
協序雨和
暘
綵屏吉語
多占瑞
豈似淵
衷敬畏長

元旦試筆

仙萼十二度專榮今歲初開葉一莖甲在震方宣木紀
申居坤位兆西成陽官入律欣舒疊星德維時逮喜羸
江硯松箋重試筆千祥萬福萃元正

曙色闔披淑氣宣太和玉帛萬方駢宅中上繼卅三氏
建極今開百廿年最久昇平軼唐漢益深兢業凜冰淵
凜冰淵詎虛言可要在勤民與敬

天

元旦

慈寧宮行禮畢御殿受賀

奉朔西瀛及北壖共知元日早春前

慈寧進賀千官率皇極來庭九譯連丹陛樂鳴叶韶律
御鑪香靄引祥煙發生功信東皇普億萬人增億萬年

竹如意

木根太樸王金奢斟酌穠纖伴淨嘉貞素渾然存地幹
指揮那擬落花籜冠賜共齊梁代麈尾製同王謝家
首曲中鉤身合度求信尺蠖義何差

新正同豫軒

玉斗運鴻龍樹罇陳白獸聯情瓊宴張待脩霞軒留駢
羅綵勝輝消息春光漏芸霏翰墨延情怡禮樂困豫願
萬民同臺登普在宥

賓竹室口號

衆木待新春依然祇綠筠即看貞節度亦得號嘉賓

紫翠房

綈儿冰疏翰墨香等閒休坐足徜徉紫圍翠邏雖遼待

其意恒如具一房

嵌巖室

不是巖居人却愛巖居趣
瓊島故假山歲久天然足
丈室棲嵌巖嵒磔間得路
萬樹待春榮蒼松無改度
偶到便怡情小坐旋移步
分付十笏虛雲煙與朝暮

雲繪樓

駢羅仙木瑞氤氲初歲登
臨與物欣却是西山供靜
賞遙看留白以為雲

元正二日紫光閣賜蒙古王公及回部宴即席得

句

元正纔過綺筵排節賜先期為值齋

上元前例宴外藩並行賜齋茲以值

齋故先期於初二日即頒宴賞

遂試冰嬉千隊出

是日並令觀冰嬉

旋歌露湛

八音諧舊藩已似世臣蓋新部胥嫺國禮佳紫光閣猶然
戰圖繪旌功益切奠遐懷

冰嬉聯句

有序

東郊候仗行頒三始之春西苑專茵早展九賓之

譙序過趨陂餞臘清餘六出瑤葩班添蒲漣朝正
勝引四圍水鏡爰舉

國初令制用徵歲首隆儀於時列楯諸郎傳呼小隊期
門上士排疊周陞拔鞬則芒刃發礪詎等跋河示
趨轟礮而徵游從律寧誇躡柳蜚英方正正堂堂
百變陋魚龍曼衍脩行行止止一成兼鶯鶴彌縫
拔幟尚徐麾蹴部誰撓壁壘捉襟俄捷趨登陴共
羨神仙風外聽鳴不盡抽房碧孖雲間看蟲貫

無遺壓架元珠緬十年賦豈徒研辭歸數

典期寸晷詩皆就範頌戒忘箴矧夫殿啟武成講事知
非嬉日軒鄰同豫聯情信洽氷天在蕃封黃傘胥
霑已承筐而誌渥俾冊府縹囊迭探還扣鉢以摘
芬庶幾思紹

前聞例

蘿圖之入詠抑且題留後勁須瑤甕以搜珍撫茲篇藍
尾六巡適協環循六甲占翌旦遨頭一路端宜韻

押一先

御製開宴紫光元朔後冰涵太液早春前鴻禧俾閱綠宣

武

鷺序分賡競騁妍陣擬頡頏循古法歌徵紉繆

授新編納凌應節儀常肆

臣傳恒

吹琯迎韶典更駢三素

雲中凝皎晶六花臘裏積芊緜岸容琢玉龍池護

臣來保

山立較瓊虎旅騫職貢來倅馳博洛朝正屬

國會和闐律師久讐泆兮潰

臣劉統勲

繩伎徒矜美且

簪跽蹕齊班同皆裂頰頰夾侍半頭纏聯情詎以

幽遐阻

臣兆惠

御製佈惠兼令聽睹鮮有戒文恬誇豫大無非國俗致精
堅西瀛北漠胥來賀

縣圃環洲儼列仙潔映島陂仍綽約皚鋪鼇螭自

連蜷引來

畫鷁舩殊扣

臣劉綸

望去飛鳬履並躡朱芾生輝全蔽膝

緹衣待號各張拳雷霆出奮轟三捷

臣阿里衮

驚鶴分

行勒兩甄令肅但聞聲轆轤技嫺或作走盤旋廣

場曩衍翻軍戲

臣舒赫德

萬頃玻璃當舞筵暗渡奚妨

瑠作室頻犁欲藉海為田掣驚犀影波臣懾

臣阿桂

御製

研訝綃紋鮫客拳魚負節過猶返爾蟲疑時篤尚遙

旃配藜不礙趨千隊

轆轤重教蹴一川趨足高驤時絕迹剽材繼至或

摩肩追風影箭奔蹏馬

臣陳惠華

曳電身投側翅鷗離

衆孤軒欣自試乘人鬥捷怵他先凌虛遠逐追夸

父臣彭啟豐徑意飛行邁僊仝布武祇依馳道直呼名

惟聽唱聲連橫庚約齒瑩精錯臣董邦達露郊韋條束

達棼拓蹠利於超距迅竦軀穩似注坡便能熊羆繞

獵臚雙引臣張泰開

御製茶火鮮扁領四員掄出鷹揚軼羣疾旁舒雁翼接行

翩天毬連中皆飛衛古之善射人也

地軸通衡倘呂涓澤腹砥容丸走坂和門子比褐

纏旌捎雲浮奄剛移罕

臣觀保

偃月寒規早控券屈

曲長蛇縈首尾迴環大象運璣璇鵬搏倏挾扶搖

迴

臣于敏中

觝角徐看蹴踘圓拋向獅鉤隨錦攫探從

驪頷抱珠眠撇擎掌上神逾勃

臣錢汝誠

突過竿頭態

亦嬛趙幟拔餘應避舍楚弓得處竟忘筌俯趨若

箇登先也

臣王際華

御製高舉於茲獲雋焉橈鞠騰空爭上搏綵旗分界示中

權雕離霍繹光呈鏡

蹠蹠翹遙勢著鞭歡洽嘉平

金母奉藝陳小部佺童沿要因攬鐸于畋習

臣蔣楊

重以

投醪

大賚懸內外旗區均四百東西伍合逮三千坡翁故事

嗤秧馬

臣竇光蔭

墨子新機陋木爲彳亍幾曾泥滑滑

票姚一任履平平拔河漫躍三春步

臣金姓

競渡寧

操五日船在藻恰逢羔未獻承筐還喜荔初傳九

賓紆辯森礪礪

臣陳兆崙

御製八伯衣冠麗斗躔月窟飲騰豪士志玉壺詠屬翰林

篇芸帷試重去聲披長賦瞥眼東風十九年

陸治雪窓見易圖

兩峯高並玉崔嵬窓下韋編破冷開借問天心何處見
一枝春報塢旁梅

降旨加賑山東甘肅去歲偏灾州縣

十行寬大詎虛談實政應教惠澤覃東廛低田沴齊魯
西憂瘠土旱涼甘貧分極次為調賑令飭撫藩慎再三
恩戒侵漁須遍逮春來胥俾力農蠶

甲申春帖子

慎微欽出甲敬始肇申堅瑞律元正後祥花鵬日前
月竊天方接朝正並賀春布德須教浹寧惟九域民
今歲甲申乙卯日大清一百廿年春敬

天法

祖政由舊較雨量晴律轉新

集張照春聯字為春朝吉語得詩十七首

有序

向愛張照書凡屏宸殿壁間長幀巨幅多其奉勅

書者每見輒哀為卷冊收弃其所書宮庭楮牖春
聯因歲久更易新者所司以其舊版呈閱請毀之
余曰不可縑素雖剝蝕而筆墨精神故完好設以
蠹朽棄其誚與焚琴煮鶴等若仍其儷句輯藏又
與五都市賈斂售舊物不知鑒別者何異爰次其
大小行楷差為七等得字四百有奇并於幾暇仿
春帖子體集成五七言詩十七首裱池作巨卷並命
董邦達繪歲朝圖卷首以誌履端佳興夫集字法

雖初自古人若懷仁之聖教序趙模之千字文並
集右軍書鐫之然皆出自鈎摹且以散字牽就成
文缺者或假借補緝其於本來面目去之遠矣茲
既化無用爲有用而篇什聯屬墨跡宛然不異其
揮毫結構自成全璧洵可珍也若夫釀花作蜜綴
腋成裘人皆知之而甜徹中邊縫無襞積則別有
會心焉而以春聯作春帖殆亦化機之自然流露
韶華花卉適叶文章者乎

璿璣調化雨嘉節法青陽溫樹深移影華開燭寶光
花麗明光殿春多晝靄紫鑪香昇靉靄

仁壽祝華萃

太平開萬象草為帶氤氲御景書蕤英三花作曉雲
參三奉光大植萬美寧清六位符中正歡同百福成
政成豐屢泰近日物皆新雨露天方永騰歡遍兆人
愜心看寶字解慍以薰絃萬物咸時若風開美景天
亭映三霄瑞林飄四面香春圖揮一氣大地與風光

鑰扶五雲鶴畫鏤四楣銀象曲鳶魚想悠然濠濮春
松雲清棟牖書契藻娜嬛四政和於燭祥風鳩鵲閑
爲圖煥龍馬齊七合璣璇甘玉時風雨遙看珠壁連
珠扉春洞達青瑣日和嘉煙暖風徐動梅舒玉檻花
恩與仁風拂心當麗日明洪長凝寶位巍煥萬方清
三階清宴在平章華日和風帶景光文煥天成無不服
玉芝圃長鳳銜翔

九天圖畫太靈馮桐乳成林草細垂鋪戶巍然盛金壁

寄心靜賞物情怡

滴壺玉漏永

瑤池紫界雲天晝日遲
鸞鳥交和輝寶樹恒春喜共協
仁慈

九衢絲柳乍搖風
城雪輕寒旦日融
綵燕轉簾頻語久
祥英照地見枝紅

碧枝瓊蕊麗天閭
日近金鋪霽瑞光
仗外祝山仍五玉
殿頭諧祉鬯三陽

貨郎行題蘇漢臣畫

貨郎擔

平聲

貨人休笑深宅曲院無不到借問此法創由

誰乃自宣和蘇待詔待詔尤復善嬰孩森森玉筍戲庭

階忽然軒渠舞且咭羣喜街頭貨郎來貨郎擔

去聲

上無

不有文具武備箱筭甄傀儡格五及樂器幣帛襍組筐
籬帚都無實用象形為推車拽以襴襪兒轉東鄰更過
西舍佻儻左右常相隨紛呼爭貫或力奪貨郎欲行行
不脫本以鞭賈眩他人繫徽反致他嘈聒待詔此畫非

誇奇極鬧場中合靜思金剛六如猶費說斯以一圖而轉之

詠周螭鈕鐘

銅始榮猿鑄歌傳咸黑章尚文允周代作樂繼前王舞銑形完好篆枚製審詳虞鑄不可得於此緬中郎

新正重華宮侍

皇太后宴

東郊昨日始迎春北闕今朝迓

鳳輪寶榼珠盤酬節令紅芽翠莢總鮮新

宮中堯舜鴻禧甲

膝下陽和燕語申詎為

慈遊事華衍天經欲示萬方人

漢玉蟠螭穀璧

漢代風猶見春官典可論中規成肉好襍器勝瑤琨似
有真人氣曾無剛刻痕每因兆多穀珍重未忘言

重脩

都城隍廟成因詣瞻禮

福民育物受禋長豈在追封侯與王
八蜡水庸垂義古
六爻消息溯名詳

崇祠歲久加丹雘清蹕辰良致辦香
功著保甿同

社稷訛傳得氏或於楊允維萬姓安
耕賈惟冀三時協
雨暘

盛德承

天施厚貺大清爽葉鞏金湯

石芝

說文珊瑚生於海本草又稱生海中磐石上白如
菌一歲變黃二歲變赤此石芝似之豈火樹所未
變成者耶蓋錢陳羣所進而非蘇東坡折食之物
也率爾題句並驛令和之

還鄉未下海中羅

陳羣故里嘉興有還鄉河假借用之

石菌居然致則那

蒸出歎非如子厚夢遊幻亦異東坡芳甘漫擬雞蘇味
斐郁宛同鳳尾姿何必賤珉鎮琤玉他山原待琢兮磨

名畫薈珍

儒服黃冠對奕盤
緇流袖手坐旁觀
鍊師自擅還丹術
開士賁來覆金餐

二句槩括
摩詰詩意

平路嶮巖此了了
幻途名

象任般般藝林牛耳誰當執
早有人登詩畫壇

右王維圍棋圖

抑為長信抑昭陽
默坐誰能識寸腸
聊得性蓮欄外伴
忍教恨扇篋中藏
無心去理驚鴻舞
有髮羞為墮馬妝
便與世間留面目
猶勝賂畫誤王牆

右周昉宮人紈扇圖

誰云花事有窮時孤注請看設女夷黃白謾論入譜朶
高低總是傲霜枝冷香宜自風前度瘦影偏於月下披
畫院宣和此津逮試從勾渲認丰姿

右黃筌叢菊圖

倜儻千秋自不磨偶然遊藝興婆娑四株檜有高低境
一例巖無分別科全是游龍圖夭矯那須退鷁恨蹉跎
此翁磊砢多奇想知復胸中意寓何

右蘇試巖檜圖

曲欄干側老松陰
知己相於愜靜尋
倚石不妨奇似貌
剝蕉畢竟覓無心
忘形何必輕簪組
閱世依然論古今
却笑阮嵇鄰放蕩
一時沉醉竹林深

右李公麟文會圖

朔風吹雪滿千山
縱有交遊絕往還
消得此時親翰簡
愛他古道照容顏
開窓坐處渾忘冷
入夜映來好是閒
欲笑引光鑿壁者
箇中三昧未容攀

右李唐雪窓讀書圖

萬玉蕭森翠影韜間

去聲間平聲

鬪局見方袍六波羅蜜無

爭義八不還中有死麈此勝彼輸齊放下怡情適性且
相邀依稀蓮社為清會背立之人定姓陶

右馬遠竹林僧奕圖

兩兩鴛鴦戢翼棲秋塘風定月華西已欣對立波為鏡
何必低飛浪作梯籠檻有時仍聚首釜鬻不入免調醯
鷗波亭上拈毫際意寓南華與物齊

右趙孟頫沙渚雙鴛圖

爭利分明傳范蠡扁舟長往又從斯吳顛越蹟胥夢幻
月白風清無改移斷岸春波刺蒲際歸雲遠浦落帆時
羶薌箇裏人多矣知復持竿釣者誰

右趙雍五湖風月圖

買舟將欲赴吳淞甫里勾留謾寄蹤

見瓚自識語

幾曲遠山

行且止一時南渚興偏濃主爲菊徑陶元亮客是竹林
阮仲容稍事經營易簡淡只緣屬念在高峰

右倪瓚南渚泊舟圖

霜染秋林深淺紅書堂疑在絳雲中依然不改惟獨樹
似者爲誰立兩翁商酌吟情元與白檢參畫格浩兮全
平頭奴子須頻掃軟火煎茶勝爨桐

右盛懋紅葉書堂圖

一笠孤亭對渺茫幾株高樹倍尋常依稀清閬出塵格

伯仲香光選佛場

董其昌名畫大觀同藏
內府自題爲選佛場云

且喜聯珎同

閱古更饒成珎兩存唐

董冊惟一王維雪溪此冊首列
王維圍棋圖次即周昉宮人紈

扇圖較董猶多一唐蹟云
不脛羅致誠猶易蒿目賢才愧莫當

右曹知白喬樹草亭圖

降旨緩徵直隸去歲勘不成灾州縣應徵賦稅詩
以誌事

畿輔昨沴饑賑貸屢熟籌賑則既與民貸應逢稔酬
皇天慈萬民去歲幸有秋即厯償無力緩許登來年而
何秋出蝗亟命勤捕搜雖稱不爲灾蹂躪寧免不新正
當佈恩此正所宜賙一十三州縣皆曾螟螣投舊貸及

新供概令遲呼求庶幾事春耕閭閻餘力留一以愧幕
調一以懷井收

赤玉韞

大幹衍崇崑玉河產瑞璫貢庭哀燦匣成器稱去聲開孳

小雅曾吟決諸書亦紀璫本來五色備血浸祇虛言說文

玉有五色今和闐貢玉誠五色皆備所謂蒸栗雞冠土
華璘璵者不一而足問之則稱河中歲久受天地精華
之氣而然乃知入土出土土
浸血浸之語未必盡實也

新正重華宮

紀歲維闕逢建月欣奏達行時夏正佳言治虞書括重
華子青宮舊學時省察望道猶未見克已寧盡脫綵勝
亦銀楣仙木亦繡闥崇儉以身先概屏上聲難戛戛所願
兆農祥敬奉璇璣斡

劉松年東山絲竹圖

邱壑陶情豈浪遊何妨浮議任悠悠新亭流汗沾衣後
始信平生有劣優

觴詠東山絲竹隨四郊多壘諷義之若非肥水以奇勝

鎮物風流亦底為

千秋賭墅作名談
安石寧徒聲色耽
北埭已聞方召伯
西州還復慟羊曇

雍和宮瞻禮

龍池慶邸鹿王筵

福佑三千與大千
新歲自天霏玉葉
延禧特地禮金田
無遷便是法雲住
每至常瞻

聖日懸綵勝華鐙
依舊綴黥然為

去聲憶卅年前

如意室述懷

此室幼居曾偶來感弗勝無端朝夕裏不覺歲年增

牆見真徒語

庭趨那再能跼蹐緬如

意可未負丕承

顯佑宮三首

百年琳觀勝朝遺丹雘重新煥枳楣有舉何妨遵不廢
辦香慶落迓春祺

崇構枚枚豁且庠迎門古月在梅梢

墀中砌石上有文
象梅梢古月舊物

也

清霄香雪雲間泛入藉依稀林與茅

武當送豈效前明壬癸龜蛇語或誠但使佑民即宜敬
裡宗奚必致深評

新春悅心殿

謁廟有餘暇陟山亦偶然春陰又覺好細雪已徐翩底
藉椒花頌待吟瓊葉篇悅心端在此可以荅韶年

漪瀾堂

書堂瓊島陰北臨太液池冰光尚未融漪瀾聊待之以
其肖浮玉壁寫南巡詩一以驗今昔一以增忸怩忸怩
所為何侯度吾誰欺

碧照樓

一例冰光呈碧照所饒風度靖波瀾恰如月鏡懸清朗
何必微雲點綴看

畫舫齋口號

畫固鏡花溪月舫寓水流風行合坐普門大士靜演不

減不生

小玲瓏室

剥蕉心境玉壺中宛轉迴廊水面通
窓外扶疎種幽竹
因風亦戛珮玲瓏

雪

正月初五日

立春越二日六出佈祥花
鶯毳宵仍落鴛樓瓦遍遮潤
資萼甲始澤接宿年賒望外叨

天貺欣餘敬倍加

題王紱詩畫卷

佳處可遊亦可居擬將蹤跡混樵漁溪光不讓琉璃也
峰色翻看圖畫如洋溢樂飢誠切彼小山招隱雅榭予
陪遊駙馬更何事欲起九龍一問諸

圖後紱自書入蜀還京遊覽諸作稱

駙馬公奉使入蜀因命侍行舟中云云姓名事蹟既不可得而詳然可知紱亦非真遯世者矣

詠古玉斧珮

製以廉貞寓珍惟溫潤資性真禪者性肌是道人肌撫
處不留手對之有永思若論年近遠劈正共殷時

齋居夕景

雪後釀輕寒望前吐新月簾旌下
穉瑜盆卉噴馥華
繁蘭燄輝繡戶綺錢揭席懷漢帝
問政稟周王忽誰曰
此幾閒最難窮理窟

題馬麟花卉小幀

蛺蝶尋芳

木香錦葵

別開生面馬蹄香玉蘂瓊葩各鬪芳
點染椒塗供睿賞

幀中題坤寧宸筆蓋
彼時后宮中物也

那更五國憶淒涼

上苑韶光

紫丁香

半臂江山猶可撐韶光上苑正怡情了知衣紫勝衣白
不見山人覲面迎

御園嘉卉

玉芙蓉

非春艷

牡丹一名玉芙蓉

復非秋朶

拒霜一名木芙蓉

掌上仙人金殿

旁別有鍾陵寄遐思

平泉草木記鍾陵有同心芙蓉

可須畫史恨王媿

清和池沼

蓮

新蓮出水鳥相呼御沼清和儼入圖泛索如將縱遙目

定須小駕出西湖

瑞露凝香

象牙紅鹿蕊

瀛海珊瑚堪作筋
崑崙瓊琇乍為盃
九天沆瀣擎來滿
漢武金盤底藉哉

瓊葩玉映

鷺毛玉鳳花

鼓翼翩翹儼欲飛
九苞未覩德為輝
鳳兮奚被鷺毛號
難解丹青寓意微

秋塘曉艷

芙蓉

祇候麟能傳待詔遠風徒觀疏渲極精工碧江未見舒

霞脚幻出霜前一帶紅

桂林霜氣

桂

爽入金難月有光碧瓊枝上粟霏黃皋塗自是臨安美

使我遐心憶驚香

驚香庭為西湖行宮八景之一庭中古桂森蔚南巡詩有何當秋宇下滿

意領天香之句

詣齋宮作

玉葉棲駕瓦金根出鳳闈

祈年瞻寶殿穀日喜晴暉退憩齋宮肅坐消香篆
云逢豫泰惟是慎幾微

祈穀禮成述事

年紀甲申昭木德日臨辛酉籲金穰惟欽稼穡民爲本
敢懈躬親歲以常一意屏營蒼壁薦六英叶律紫烟翔
璘璣積素輝田燭
乾澤承餘敬益饗

趙雍臨李公麟人馬圖

性是龍媒形鳳姿于思左立控轡羈貢呈哈薩尋常事
乃信王孫非炫奇

新正奉

皇太后幸圓明園即景成什

閭閻景報園林美穆穆歡承

福履康初歲行時將慶節開韶有喜祝

無疆日長蓮漏三階正春到梅盆合殿香更向西山看

積雪

天教鐙夕萃千祥

盜春書屋有會

何處貞元見往還
情欣理趣靜開顏
益看物物含韶際
春在人人方寸間
小閣又懸金作勝
遠山聊借玉為鬟
鐙宵屈指遲三日
得展芸編好是閒

竹密山齋

千林疎際竹依然
詰屈山坡得迳穿
高下偏宜皴積雪
白珩響應綠瓊懸

琴趣軒口號

無絃亦不壁間懸
琴趣居然在目前
小矣高山流水志
企之解慍阜財篇

開鑑堂

書堂臨滄池因以名開鑑
鑑意常有言會心茲別驗
元冰尚爾凝綠波曾未泛
平鋪雪迷離掃拭資長鏡
忽然光愈晶有似旃摩貼
寄語彼鏡瀾一著應斯欠

題和闐玉榕陰高士圖

人與侍中同披襟榕荔風平生磊落志騁望付長空

題金廷標仿蘇漢臣儗郎擔圖

兒童闌買笑還嗔維谷徒誇百儗新不向圖生分別見
悟殊此者更何人

掃雪

臘前及春後屢霑六出瑞滋麥兼去騰原田有賴積庭
除乃作泥不無掃蕩事棄之良可惜因緣得佳計俾壅
樹之本潤比膏雨漬新植根深舒舊林枝長遂集役不

徒然視勞賞次第既以資栽培復不孤

天賜頒惠洽衆歡一舉三善備

新正萬壽山

銓宵未到日猶寬萬壽山光隔歲看嫩綠纔抽向陽地
凍銀遠結識冬寒且遲瀛海浮青雀何必雲和叶紫鸞
片刻肩輿歸御苑由來佳處戒盤桓

樂壽堂

背山面水有書堂責實循名趣每長知者樂兼仁者壽

月真慶值雪真祥無妨蓄眼芳菲待耐可娛情翰墨香
節事未臨幾務簡沖融佳處小徜徉

雲松巢

雲出松根松覆雲濃青淡白互氤氲畫家艱致求神肖
粉本虛從直幹分

道存齋

春色二分未春音萬物知爆如雷啟蟄雪與月為期靜
契端倪表動先韞藉宜閒齋偶目擊真覺道存斯

石舫

常年棠棣艤湖隈
湖上行春隔歲來
却笑黃龍與青雀
浮波還有待冰開

清可軒

山陰最佳處
側倚芙蓉朶
因迴復就深
位置殊帖妥
虛從窻底憑
壁在屋中裹
綺綴例不施
愛此真清可
盆梅未放榮
緣弗攻以火

賅春園得句

小園春雅閱春賅豈是無端虛此來試看苞含甲芽處
千紅萬紫箇胚胎

周臣春泉小隱圖

蘚壁牀扉任掩開虛堂隱几有書陪
越童擁帚松花落不爲無端待客來

微雪

正月十四日

積雪滿園林遙空又作陰
細霏霽莅颯寒逼氣深沉
韜月定何礙宜田喜不禁
庭除漸團聚迺向玉中尋

御製詩三集卷三十五